

WENN WEIHNACHTE ES ...

Text & Musik: Jürgen Fritz

Merry Christmas, Merry Christmas,
Merry Christmas and a happy new year

Wenn Weihnachte es,
dann weed et janze still
Wenn Weihnachte es
jitt et vun allem vill ze vill
Denn Weihnachte es op d'r janze Welt
dat Fest der Liebe, un zum Jlöck
hammer Wöösche met jet Äpelschloot
vür d'r Bescherung schon verdröck

Wenn Weihnachte es
jitt et ne janze kleine Moment
Denn Weihnachte es
wenn widder jeder jede kennt
Wenn Weihnachte es - un Du häss et wärm
janze eja wo Du och bes
un mer nimp Dich hätzlich in d'r Ärm
dann weiß Du dat Weihnachte es

Merry Christmas, Merry Christmas,
Merry Christmas and a happy new year
Merry Christmas, Merry Christmas,
Merry Christmas and a happy new year

Wenn Weihnachte es
un et rüch noh Zucker & Zimp
Wenn Weihnachte es
jitt jeder jään et letzte hemp
Hillichovend weed d'r Baum geschmök
un de Pänz sin janze nervös
wenn dann die Kääze brenne, feierlich
un Kinderaure leuchte löß

Wenn Weihnachte es
un do stonn Minsche für d'r Dür
die fremde Leeder spille
op enem janze andere Klavier

Wenn Weihnachte es un all die Jlocke lügge
wünsch' mer sich mer wör doheim
stell dir vüür wie't sich anföhle dät
du wörs wick weg, un ganz allein

Merry Christmas, Merry Christmas,
Merry Christmas and a happy new year
Merry Christmas, Merry Christmas,
Merry Christmas and a happy new year

Wenn Weihnachte es un de ganze Welt
hält de Luff e bessje aan
wör et möchlich dat et Fridde jit
ävver jläuve - muß de selver dran